

痘科紅爐點雪

江白仙先生鑒定

校正譌字
加評補則

卷一

華亭葉向春完初氏著

原痘

夫痘者、象其形而名之也、順其形則順、逆其形則逆、以見前人命名之意有在矣、蓋痘之爲症、根于精血之初、而成于淫火之後、男女交媾、無慾不行、無火不動、慾因火生、火因慾熾、精行血就、何莫非火之所爲、且二五妙合、精血鎔冶、而成臟腑皮毛筋骨之形、夫



南京中醫藥大學圖書館版權所有

松江郡守魯公續修府志及松江府憲綱
冊載葉向春字完初幼讀詩書長攻盧扁
著有紅爐點雪晴牕摘錦流傳濟世爲人
行誼端方謙和拔俗萬歷四十一年母陳
氏心疾幾危百藥勿效日夜悲號因默禱
割

煎湯以進母噉而神爽如初四十
芳枝患痰症瀕死割進如前當卽

二
逾六年父故長哀齋戒云云



痘科紅爐點雪目錄

卷一

順痘八種

珠痘
關門痘

石痘
先驚痘

有根痘
油麻夾赤痘

四腕痘
痘影痘

逆痘十四種

紫疔痘
紫雲痘
逆驚痘
水患痘

血熱痘
血焦痘
血壓痘
血虛痘

反關痘
結胸痘
陷頂痘
吐虫痘

折腰痘
茱萸痘

險痘十二種

當顙痘
伏陰痘
插標痘

無根痘
火候痘
監唇痘

蛇殼痘
臭痘
風寒痘

氣虛痘
寒戰咬牙痘
水晶痘

附載雜痘

向陽痘
兩節痘

逆痘
孕婦痘

順痘

順痘歌

逆痘歌

險痘歌

塗顙法

看痘訣

痘疹訣

論痘何經并觀痘歌

痘症生死驗

痘瘡傳變

痘毒流患

痘內雜症

看痘四言歌

看痘五言歌

痘變不治



痘疹七不治

論癍疔黑點

痘毒生熱

痘瘡如珠

痘疹後禁忌

虛渴

實渴

虛紅

實紅

血虛

血實

血寒

血熱

表虛

表實

表寒

表熱

裏虛

裏寒

裏實

裏熱

卷二

頭面痘圖

諸痘圖說

痘毒圖說



痘科紅爐點雪

江白仙先生鑒定

校正譌字
加評補則

卷一

華亭葉向春完初氏著

原痘

夫痘者、象其形而名之也、順其形則順、逆其形則逆、以見前人命名之意有在矣、蓋痘之爲症、根于精血之初、而成于淫火之後、男女交媾、無慾不行、無火不動、慾因火生、火因慾熾、精行血就、何莫非火之所爲、且二五妙合、精血鎔冶、而成臟腑皮毛筋骨之形、夫



南京中醫藥大學圖書館版權所有

形既成而火卽在內矣。四體無象無臭人可得而測
耶。毒中必發特俟其時耳。待時而發必假氣血。故痘
毒非氣弗領非血弗載使氣不盛則何能逐其毒血
不榮則何能任其毒蓋痘有稀密火有淺深而吉凶
死生亦皆于此分焉。然或遇天行時氣擊動而發者
何也。天地之沴氣與人身之遺毒同一橐籥相感而
動如水流濕火就燥雲從龍風從虎之義人之真氣
與客氣不容並立故也。予嘗愍其剋害生靈非天之
設非火之罪誠父母之故也。明者鑒之。

順其形當作其形順下句亦然血不榮改氣不附蓋作
書時欲氣血對講故用血不榮句若果然何以不立大
補血方於後

先生手筆
自此以下凡頂格皆

順痘八種

○珠痘

凡痘出紅活光澤漿黃而滿個個如珠不上百者名
曰珠痘屬少陰心經

個個二字改作心痘字○心經之下亦有血熱一症同
此形而無珠光形采

紅活稀勻

皮白瘡榮

頂滿盤肥

圓珠痘名

皮白字、改作豐隆字。○要曉皮白有氣虛一症、非吉痘。

防混。

○石痘

痘出淡紅潤色、粗大一勻、皮殼堅厚、纍纍稀疎、名曰

石痘、亦屬少陰心經、

石痘二字、不古、且無義、改作吉痘、

稀稀粟粒

數不滿百

此是石痘

最爲第一

粟字、防悞認蚊斑症、改疎字、石改吉字、



○有根痘

凡痘初出、先從地閣、唇口上下、發槎者曰有根痘、稀則者吉、稠密者險、可治足太陰脾經、

可治二字圈去

痘樣尖圓地閣先 稀疎朗朗不相連 鮮明潤

澤終須吉 細密相連未十全

○四腕痘

痘出手足四肢咸有、惟身上心胸腹背少者、名曰四腕痘、凶少吉多之痘、屬太陰脾經、

痘出稠多在四肢 胸心腹背朗勻稀 通身不

熱精神爽

何必求人去問醫

又云只在調和胃與脾

○關門痘

痘出大便閉結五六日不通而痘朗朗紅活飲食如常者曰關門痘七日後傳經已足濁氣下降則自通矣屬肺胃二經

痘出大便結

肺胃二經熱

能食色芳菲

七

日後自洩

○先驚痘



痘未出而先發驚搐者俗名發痘候不治自愈但發驚搐者必猛密稀疎者少屬少陰心經○若痘出而仍前驚搐者爲逆

驚痘漿來時遲者七日內不用升葛提散風品恐內風也。大凡驚治心肝意在開竅不知麝香辛散痘所最忌。只治心絡之熱少加銀花通草自然驚定痘出。若過七日後驚搐者難治。或用地龍糞三錢梧桐子肉三錢煎飲十可救一二。

痘後驚來逆 瘡前搐亦危 出多防不透 出

少更防疽

○油麻夾赤痘

痘少而夾麻疹者曰油麻夾赤痘屬陽明大腸經。毒出于臟爲裏症。疹毒出于腑爲表症。痘疹兼出易焦易收。內解而外自愈。

膿痘稀勻

水痘稠密

膿痘蠟黃

水痘紅色

○痘影痘

痘未見形而五臟之候已具。兩眼不拘左右忽紅腫閉合者此名痘影痘。痘發必稀疎吉之兆也。治法當

清肝火急解毒屬厥陰肝經。○有兩目發腫痘不高聳者若隱若現必當升托宜防反關

發熱三朝未見形眼胞紅腫淚盈盈此名痘

影君須記不藥而痊莫費心

逆痘十四種

○紫疔痘大者為疔細點為屑

痘出半在皮膚初起如胭脂點肉後變為黑四五日成紫泡者曰紫疔痘又有藍色者曰藍疔此二種痘中最惡之症屬少陰命門經內外熱熾甚則口鼻中有血出宜涼血解毒

諺云紫疔變黑色父做醫家救不得



洒硃點墨 青靛烟色 速則三朝 遲則五七

紫疔七日死 藍疔五日亡

○血熱痘

初發身熱帶熱便出痘出乾紅焦紫平塌不起唇腫燥裂渴飲不止燥煩悶亂屬太陰膀胱經乃毒氣與心經貫注無陰氣以濟之當涼血解毒八九日死○凡血熱痘唇必掀腫煩渴不寧痘色昏暗大小便閉急當升托兼解毒之藥不可專用寒涼恐有反關之患

